



MØTEINNKALLING

Utval: Valstyret
Møtedato 08.04.2021
Møtetid: Kl. 14:00
Møtestad: Fjernmøte på Teams

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
001/2021	21/272	Faste saker	
002/2021	19/1056	Tal medlemmer i røystestyra og valfunksjonærar ved stortings- og sametingsvalet 2021	
003/2021	19/1056	Røystelokale i Samnanger ved stortings- og sametingsvalet 2021	
004/2021	19/1056	Opningstider i røystelokala i Samnanger på valdagen 13.09.2021	

Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Orienterings-/referatsaker
- Utvalet sitt kvarter



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 21/272	Løpenr: 21/2743
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	08.04.2021	001/2021

Faste saker

Rådmannen sitt framlegg til vedtak:

- Møteinnkallinga og saklista vert godkjent.
- Orienterings-/referatsaker vert tekne til orientering.

Oversikt over faste saker:

Godkjenning av innkalling og sakliste.
Eventuelle merknader til protokoll frå førre møte.
Orienterings-/referatsaker.
Utvalet sitt kvarter.



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/2705
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	08.04.2021	002/2021

Tal medlemmer i røystestyra og valfunksjonærar ved stortings- og sametingsvalet 2021

Rådmannen sitt framlegg til vedtak:

Til valstyret sitt møte i mai 2021 skal det leggjast fram liste med 9 kandidatar til kvart røystestyre i Samnanger. Alle kandidatane må spørjast på førehand om dei er villige til å stå som kandidatar.

Til valstyret sitt møte i mai 2021 skal det òg leggjast fram framlegg om kven som skal ha fullmakt til å oppnemna ytterlegare valfunksjonærar i røystekrinsane.

Dokument som ikkje er vedlagt:

- Vallova
<https://lovdata.no/dokument/NL/lov/2002-06-28-57>
- Smittevernveileder for valggjennomføring under covid-19-utbruddet
<https://www.regjeringen.no/no/dokumenter/smittevernveileder-for-valggjennomforing-under-covid-19-utbruddet/id2835380/>

Kva saka gjeld:

Ved stortings- og fylkestingsvalet 13.09.2021 vil Samnanger kommune vera inndelt i tre valkrinsar:

- Nordbygda
- Gjerde
- Tysse

Det går fram av vallova § 4-2 at dersom stemmegjevinga foregår på fleire stader i kommunen, skal eit stemmestyre med minst tre medlemmer administrera stemmegjevinga på kvar stad. I Samnanger vert stemmestyre kalla røystestyre. Kommunestyret kan delegera oppnemninga av røystestyre til valstyret.

I Samnanger har det vore vanleg at talet på medlemmer i røystestyra vert bestemt ut frå kor mange valfunksjonærar ein reknar med at det vil vera behov for i røystelokala på valdagen. Alle

valfunksjonærane i røystekrinsane har vanlegvis vore enten medlemmer eller varamedlemmer i røystestyra. Ved kommunestyre- og fylkestingsvalet 2019 valde valstyret følgjande tal medlemmer i røystestyra:

- Nordbygda - 8 medlemmer, ingen varamedlemmer
- Gjerde - 9 medlemmer, ingen varamedlemmer
- Tysse - 8 medlemmer, ingen varamedlemmer

Rådmannen foreslår at medlemmer til røystestyra i 2021 vert valde i valstyret sitt mai-møte. Før dette møtet må administrasjonen finna kandidatar til røystestyra og avklara om dei er villige til å stilla til val. Det er før dette behov for å avklara kor mange medlemmer det skal vera i røystestyra i 2021.

Som følgje av koronapandemien vil det etter alt å døme måtte gjennomførast ulike smitteverntiltak i røystelokala på valdagen. Dette går mellom anna fram av smittevernrettleiaren som styresmaktene har utarbeidd for valgjennomføring under covid-19-utbrotet. Dette gjer at det kan verta behov for fleire valfunksjonærar i røystelokala i år enn ved tidlegare val. Døme på sannsynlege ekstraoppgåver i år:

- Organisering av kø utanfor vallokalet
- Passa på at veljarar held nødvendig avstand inne i vallokalet
- Reingjering/spriting av valavlukke mellom kvar veljar

Det vert truleg også behov for ekstra opplæring av valfunksjonærane i samband med årets val.

Vurderingar og konsekvensar:

Vallokala vil vera opne i 10 – 11 timar på valdagen. Det vil derfor vera behov for ein arbeidsplan for valfunksjonærane, for å unngå at nokon må vera i vallokalet samanhengande i heile opningstida. Truleg bør det til ei kvar tid vera minst 5 valfunksjonærar i kvart vallokale i opningstida på valdagen.

Rådmannen foreslår at det vert lagt opp til å ha 9 medlemmer i kvart røystestyre, inkludert leiar. Det kan også henda at servicesenteret på kommunehuset vil kunne ha ein medarbeidar til stades i kvart av røystelokala delar av valdagen.

Dersom det i tida fram mot valdagen skulle visa seg at det vert behov for endå fleire valfunksjonærar på valdagen, bør leiaren i valstyret få delegert mynde til å oppnemna desse. Dette kan leggjast fram som framlegg til valstyret sitt mai-møte.

Sakshandsamar har vore i kontakt med kommuneoverlegen, for å få avklart om det bør stillast spesielle helsemessige krav til valfunksjonærane ved årets val. Tilbakemeldinga frå kommuneoverlegen er valfunksjonærane i røystelokala bør vera vaksinerte mot covid-19. Dersom vaksineringa i Noreg går nokolunde som planlagt i vår og sommar, vil truleg dei fleste vaksne ha fått tilbod om vaksinering før valet i september 2021. Rådmannen vil koma tilbake til spørsmålet om vaksine til valstyret sitt mai-møte, mellom anna om kommunen vil ha høve til å setja krav om at valfunksjonærar må vera vaksinerte mot covid-19. Utanom eventuelt krav om vaksinering, er tilbakemeldinga frå kommuneoverlegen at kommunen ikkje bør stilla bestemte helsekrav for valfunksjonærane, heller ikkje for pensjonistar. Den enkelte bør vurderer helsesituasjonen sin sjølv.

Dei som møter i røystestyra på valdagen, får ei godtgjersle som tilsvarar møtegodtgjersla i kommunestyret (per i dag 1 680 kroner). Den same ordninga bør også gjelda for eventuelle andre valfunksjonærar som møter i røystelokala på valdagen. I budsjetteringa av valet i 2021 er det lagt inn midlar til møtegodtgjersle for 9 medlemmer/valfunksjonærar i kvar røystekrins. Dersom talet på valfunksjonærar må aukast som følgje av koronapandemien, kan det henda at kommunen kan få refundert ekstrakostnader frå staten.



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/2619
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	08.04.2021	003/2021

Røystelokale i Samnanger ved stortings- og sametingsvalet 2021

Rådmannen sitt framlegg til vedtak:

Ved stortings- og sametingsvalet i Samnanger 13.09.2021 vert røystelokala som følgjer:

- Valkrins 01 Nordbygda - Samnanger folkebibliotek
- Valkrins 02 Tysse - Samnanger ungdomsskule
- Valkrins 03 Gjerde - Storstova på Samnangerheimen

Røystelokale / ordning for røysting på valdagen for personar som er i korona-karantene, kjem opp som eiga sak i valstyret sitt møte i mai 2021.

Dokument som er vedlagt:

Smittevernveileder for valggjennomføring

Dokument som ikkje er vedlagt:

- Vallova (<https://lovdata.no/dokument/NL/lov/2002-06-28-57>)

Kva saka gjeld:

Samnanger kommune er delt inn i tre krinsar, med eitt røystelokale i kvar krins. Ved kommunestyre- og fylkestingsvalet i 2019 var organiseringa som følgjer:

Valkrins	Røystelokale
01 Nordbygda	Samnanger folkebibliotek
02 Tysse	Samnanger ungdomsskule
03 Gjerde	Nesodden bedehus

Det går fram av § 9-3 i vallova at det er valstyret som bestemmer kvar stemmegjevinga skal føregå.

Det står i den same paragrafen at stemmegjevinga skal føregå i eigna og tilgjengeleg lokale, og at veljarane skal kunne ta seg inn i lokala utan hjelp (krav om universell utforming). Lokale som ikkje oppfyller desse vilkåra, skal ikkje brukast med mindre det ligg føre særlege grunnar.

Som følgje av koronapandemien har styresmaktene utarbeidd ein eigen smittevernrettteiar for valgjennomføring under covid-19-utbrotet. Rettteiareren følgjer som vedlegg til møteinnkallinga. Sjølv om me per i dag ikkje veit korleis koronasituasjonen er i september, vil det etter alt å døme måtte gjennomførast diverse smitteverntiltak i røystelokala på valdagen 13.09.2021.

Det går fram av smittevernrettteiareren at utforminga av vallokala vil vera viktig for å sikra ei forsvarleg gjennomføring. Lokale med separat inn- og utgang vil vera ein fordel. Vidare vil god ventilasjon og storleiken på vallokalet ha betydning.

Som følgje av koronapandemien vil det truleg også verta gjort nokre mellombelse endringar i vallova og kommunelova. Dette vert gjort for å:

- hindra at valgjennomføringa fører til auka smitte.
- sørga for at alle veljarar har moglegheit til å røysta på ein trygg måte, slik at ein opprettheld tilliten til valet og legitimiteten til dei som vert valde.

For informasjon om lovendringane, sjå <https://www.stortinget.no/no/Saker-og-publikasjoner/Publikasjoner/Innstillinger/Stortinget/2020-2021/inns-202021-328/?all=true>

Forslag om endring av vallokale for Gjerde valkrins

Av smittevernomsyn foreslår rådmannen at Nesodden bedehus ikkje vert vallokale ved årets val. I staden vert det foreslått at storstova på Samnangerheimen vert vallokale for Gjerde valkrins. Det vil vera enklare å ivareta smittevern på ein god måte i storstova på Samnangerheimen enn i Nesodden bedehus. Både med omsyn til romstorleik, moglegheit for separat inn- og utgang og ventilasjon vil storstova på Samnangerheimen vera betre eigna enn Nesodden bedehus. Det er avklart med både kommuneoverlegen og einingsleiar for pleie og omsorg at storstova på Samnangerheimen vil kunne brukast som røystelokale, og at dette vil kunne gjennomførast utan auka smittefare for pasientar og tilsette på sjukeheimen.

Vallokala på biblioteket på Bjørkheim og ungdomsskulen er heller ikkje veldig godt eigna med omsyn til smittevern, men det vil vera enklare å gjennomføra nødvendige smitteverntiltak i begge desse lokala enn i Nesodden bedehus.

Nordbygda grendahus kan eventuelt vera eit alternativ som vallokale for Nordbygda valkrins, i staden for biblioteket på Bjørkheim. Grendahuset er eit større lokale enn biblioteket, og det vil vera enklare å få til separat inn- og utgang der enn på biblioteket.

Røysting på valdagen for personar i karantene

Det går fram av smittevernrettteiareren at også personar som er i karantene skal kunne røysta på valdagen, men at kommunen må leggja til rette for at slike personar kan møte opp ved eigne tilpassa valstader og røysta der. Desse valstadene skal vera adskilde frå stader der andre veljarar røyster. Eksempel på moglege løysingar er drive-in-røysting, røystebuss eller eit særskilt røystelokale som er tilpassa veljarar i karantene. Kommunen kan også ta imot røyster heime hos veljarar i karantene som ikkje har moglegheit til å koma seg til vallokalet. Administrasjonen vil i tida fram til valstyret sitt neste møte i slutten av mai sjå meir på kva løysing som bør veljast på valdagen for personar i karantene, og leggja dette fram for valstyret.



SAKSFRAMLEGG

Sakshandsamar: Jan Erik Boge	Arkivkode: FE-011
Arkivsaksnr: 19/1056	Løpenr: 21/2652
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Valstyret	08.04.2021	004/2021

Opningstider i røystelokala i Samnanger på valdagen 13.09.2021

Rådmannen sitt framlegg til vedtak:

Opningstidene i røystelokala i Samnanger ved stortings- og sametingsvalet på valdagen 13.09.2021 vert som følger:

Valkrins	Opningstid
01 Nordbygda	10:00 – 21:00
02 Tysse	10:00 – 21:00
03 Gjerde	10:00 – 21:00

Vedtaket gjeld for dei ordinære røystelokala i valkrinsane på valdagen 13.09.2021. Opningstid i eventuelt eige røystelokale for personar som er i korona-karantene, må valstyret ta stilling til seinare.

Dokument som ikkje er vedlagt:

- Vallova (<https://lovdata.no/dokument/NL/lov/2002-06-28-57>)

Kva saka gjeld:

Det går fram av vallova § 9-3 (2) at valstyret avgjer kvar stemmegjevinga skal føregå og fastset tida for stemmegjeving.

Det vert lagt fram eiga sak for valstyret 08.04.2021 om kvar stemmegjevinga skal føregå på valdagen 13.09.2021.

Sak om kvar kvar tidleg- og førehandsrøysting skal føregå ved årets val, samt om opningstider for tidleg- og førehandsrøystinga, vil verta lagt fram for valstyret i mai.

Dette saksframlegget gjeld berre kva opningstider det skal vera i røystelokala på valdagen 13.09.2021. Det går fram av vallova § 9-3 (2) at røystelokala ikkje kan halda ope lenger enn til kl. 21.

Ved kommunestyre- og fylkestingsvalet i 2019 hadde røystelokala i Samnanger følgjande opningstider:

Valkrins	Røystelokale	Opningstid
01 Nordbygda	Samnanger folkebibliotek	10:00 – 20:00
02 Tysse	Samnanger ungdomsskule	10:00 – 20:00
03 Gjerde	Nesodden bedehus	10:00 – 20:00

Som følge av koronapandemien vil det etter alt å dømme måtte gjennomførast diverse smitteverntiltak i røystelokala på valdagen 13.09.2021. Mellom anna vil det vera viktig å unngå kø i vallokala. For nærmare informasjon om smitteverntiltak ved valet vert det vist til saksutgreiinga i saka om røystelokale i Samnanger ved stortings- og sametingsvalet 2021.

Vurderingar og konsekvensar:

For å redusera risikoen for kø i røystelokala på valdagen kan fleire tiltak vera aktuelle, for eksempel:

- Arbeida for at flest mogleg veljarar førehandsrøyster
- Auka bemanning i røystelokala på valdagen
- Oppmoda veljarane om å røysta på dei tidene på valdagen det vanlegvis er minst pågang
- Ha lengst mogleg opningstid i røystelokala på valdagen

Rådmannen foreslår at opningstida i røystelokala på valdagen 13.09.2021 vert utvida med ein time i forhold til ved valet i 2019. Opningstida vil då verta kl. 10:00 – 21:00.

Å forlenga opningstida frå kl. 20:00 til 21:00 kan medverka til å redusera risikoen for kø i røystelokala. Det som kan vera negativt med ei slik utviding er at oppteljinga av valtingsrøyster i Samnanger vil koma i gang seinare enn ved førre val. Valresultatet for Samnanger vil som følge av dette verta klart opp mot ein time seinare enn om røystelokala stengjer kl. 20:00. Dersom røystelokala stengjer kl. 20:00 kan oppteljinga starta kl. 21:00. Dersom røystelokala stengjer kl. 21:00 vil oppteljinga ikkje koma i gang før ca. kl. 22:00.

Det kan òg vera eit alternativ å ha utvida opningstid (til kl. 21:00) berre i eitt røystelokale, og opningstid til kl. 20:00 i dei to andre røystelokala. Ei slik ordning har vorte praktisert i Samnanger ved tidlegare val. Smittevernmessig vil dette ikkje vera ei like god løysing som om alle røystelokala har opningstid til kl. 21:00, men med ei slik løysing vil oppteljinga koma i gang tidlegare.

Ved årets val vil det truleg vera viktigare å prioritera tiltak for å redusera smitterisiko enn tiltak for å sikra at oppteljinga av valtingsrøyster vert ferdig så tidleg som mogleg. Det bør kunne vera akseptabelt at valresultatet for Samnanger i år vert klart litt seinare på valkvelden enn vanleg.

I saksutgreiinga i saka om røystelokale i Samnanger ved stortings- og sametingsvalet 2021, går det fram at det kan verta behov for eit eige røystelokale / eiga ordning for røysting på valdagen for personar som er i korona-karantene. Rådmannen foreslår at valstyret skal ta stilling til dette spørsmålet i mai-møtet sitt. Opningstida for eit slik eventuelt eige vallokale / eiga ordning må fastsetjast av valstyret i mai-møtet.